

Decembar 2015. godine

Rezultati ankete: Nastavljen trend nepovjerenja građana u političke partije i institucije vlasti u Bosni i Hercegovini

Trend nepovjerenja građana naspram institucija vlasti i političkih partija nastavljen je i u 2015. godini, i sličan je rezultatima istraživanja iz 2013. i 2014. godine.¹ Kako pokazuju rezultati za 2015. godinu, predstavljeni u grafikonu 1, vidljivo je da se nekoliko institucija izdvaja po nivou nepovjerenja građana prema njima. Većina građana najmanje vjeruje političkim strankama: u 2015. čak je 62,3% građana navelo da uopće nema povjerenja u političke stranke, dok kombinirano sa stavom “nemam previše povjerenja” (14,9%), ukupan broj onih koji ne vjeruju političkim strankama iznosi 77,2%. U ovu kategoriju spada i niz drugih institucija prema kojima uopće nema povjerenja više od 50% ispitanika: kantonalni parlament (51%), kantonalna vlada (52,2%), državna vlada (52,8%), entitetska vlada (51,5%), državni parlament (50,3%) i entitetski parlament (49,6%).


Rezultati istraživanja pokazali su da religijske institucije uživaju najveći nivo povjerenja, s obzirom da je 65,2% ispitanih izjavilo da ima veliko povjerenje (27,4%) ili da ima donekle povjerenja (37,8%) u ove institucije. Slijede neprofitne organizacije sa 63,4% ispitanika koji su izjavili da imaju veliko povjerenje ili da imaju donekle povjerenja u njih. Kao i prethodne dvije godine, građani su naveli da imaju visok stepen povjerenja ili da imaju donekle povjerenja u institucije, organizacije i preduzeća koje pružaju neke od osnovnih usluga, kao što su komunalne usluge i sigurnost. U ovu grupu spadaju komunalna preduzeća (63,3%), policija (62,4%) i vojska (60,5%).

Detaljan prikaz rezultata o povjerenju građana dat je na narednoj stranici, a demografski podaci i podaci o metodologiji nalaze se u Aneksu 1.

Istraživanje je u novembru 2015. godine proveo Centar za društvena istraživanja Analitika u saradnji sa istraživačkom agencijom Mareco Index Bosnia. Istraživanje je urađeno telefonskom anketom CATI na uzorku od 1000 slučajno odabranih ispitanika na cijeloj teritoriji BiH. Anketa je provedena u okviru projekta “Zagovaranje za otvorenu vlast: Pravo da znam u jugoistočnoj Evropi”.

¹ Za prethodne studije pogledati: Analitika – Centar za društvena istraživanja, *Rezultati ankete: građani ne vjeruju institucijama vlasti i političkim partijama u Bosni i Hercegovini* (Sarajevo: Analitika, 2013), dostupno na: http://analitika.ba/sites/default/files/publikacije/fakti_povjerenje_gradjana_13nov2013.pdf (stranica posjećena 23.12.2015); Analitika – Centar za društvena istraživanja, *Rezultati ankete: Visok stepen nepovjerenja u političke partije i institucije vlasti u Bosni i Hercegovini* (Sarajevo: Analitika, 2014), dostupno na: http://www.analitika.ba/sites/default/files/publikacije/povjerenje_fakti_oktobar_2014.pdf (stranica posjećena 23.12.2015).

Grafikon 1: Povjerenje građana prema različitim institucijama, organizacijama i preduzećima. Rezultati su prikazani u postocima, te su kodirani po boji.²



² Rezultati ankete o povjerenju građana u institucije na nivou Federacije Bosne i Hercegovine bazirani su samo na odgovorima ispitanika koji su stanovnici ovog entiteta (N = 627), dok je ukupan broj ispitanika iznosio 1000.

Aneks 1 – Metodologija i uzorak

Pri dobivanju podataka provedena je telefonska anketa i to korištenjem CATI metode. Sistem CATI radi na principu slučajnog odabira telefonskih brojeva po regijama. Uzorak je bio reprezentativan i slučajan, te se sastojao od 1000 ispitanika starijih od 18 godina s boravištem u Bosni i Hercegovini.

Tabela 1 – Spol učesnika		
	N	%
Muški	500	50
Ženski	500	50
Total	1000	100

Tabela 2 – Geografsko područje		
	N	%
Federacija BiH	627	62,7
Republika Srpska	349	34,9
Distrikt Brčko	24	2,4
Ukupno	1000	100

Tabela 3 – Starosna dob učesnika		
	N	%
18–24	109	10,9
25–29	91	9,1
30–39	183	18,3
40–49	188	18,8
50–59	186	18,6
60–64	92	9,2
65+	151	15,1
Ukupno	1000	100

Tabela 4 – Stepen obrazovanja		
	N	%
Nepotpuna osnovna škola	51	5,1
Završena osnovna škola	168	16,8
Završena srednja stručna škola	525	52,5
Završena gimnazija	51	5,1
Završena viša škola	79	7,9
Završen fakultet	118	11,8
Magisterij ili specijalizacija	7	0,7
Doktorat	1	0,1
Ukupno	1000	100

Tabela 5 – Radni status		
	N	%
Stalno zaposlenje	200	20
Zaposlenje na određeno vrijeme	85	8,5
Nezaposlen – u potrazi za poslom	243	24,3
Nezaposlen – nisam u potrazi za poslom	472	47,2
Ukupno	1000	100

Ova publikacija nastala je kroz projekat “Zagovaranje za otvorenu vlast: Pravo da znam u jugoistočnoj Evropi”, koji se provodi u Albaniji, Bosni i Hercegovini, Crnoj Gori, Makedoniji, Srbiji i na Kosovu.

PARTNERI U PROJEKTU:



2015 © Analitika – Centar za društvena istraživanja, sva prava pridržana.

Stavovi izneseni u ovoj publikaciji isključiva su odgovornost Analitike – Centra za društvena istraživanja i ni u kom slučaju ne predstavljaju stavove Evropske unije.

Ovaj projekat finansira Evropska unija.



Analitika – Centar za društvena istraživanja je nezavisna, neprofitna, nevladina organizacija, koja se bavi istraživanjem i razvojem javnih politika u širem smislu. Misija Analitike je da na osnovu kvalitetnih istraživanja i odgovarajuće ekspertize ponudi relevantne, inovativne i praktične preporuke usmjerene na promoviranje inkluzivnih i boljih javnih politika, kao i na ukupno unapređenje procesa njihovog donošenja.

Hamdije Kreševljakovića 50, 71000 Sarajevo, Bosna i Hercegovina

info@analitika.ba

www.analitika.ba